



Pretresi i hapšenja na Sokocu



UHVAĆENI DOK SU REZALI UKRADENI GOLF

Osumnjičeni privedeni
u prostorije SIPA

Milorad Mirković, Aleksandar Subašić, Zoran Čobović i Velimir Simić sumnjiče se za krađu auta u Kantonu Sarajevo i Istočnom Sarajevu, čije su dijelove prodavali u Srbiji i Crnoj Gori • Tražili otkup

Policijski službenici SIPA, u koordiniranoj akciji sa pripadnicima MUP-ova Republike Srpske i Kantona Sarajevo, u utorak i srijedu uhapsili su četiri osobe koje se dovode u vezu sa organiziranim kriminalom i krađom auta, te obavili pretrese na širem području Sokoca.

Prema nezvaničnim informacijama, u okviru ovih aktivnosti u utorak navečer su na području Sokoca privedeni Milorad Mirković, Aleksandar Subašić i Zoran Čobović, dok je jučer uhapšen Velimir Simić. Oni se terete za or-

ganizovani kriminal, krijumčarenje i tešku krađu. Svi uhapšeni su od ranije poznati policiji. Simić se navodno dovodi u vezu sa ubistvom Gorana Mijatovića Mite, predsjednika Fudbalskog kluba Bežanija, 2. oktobra 2006. godine u eksploziji autobombe u Beogradu. Također, navodno, radi se o nekadašnjem članu kriminalne grupe Darka Eleza.

Sva četvorica su privedena u službene prostorije SIPA radi kriminalističke obrada, a nakon čega će biti predati Tužilaštvu BiH na dalje postupanje.

Kako saznajemo, Mirković, Subašić i Čović su u utorak navečer zatečeni i uhapšeni prilikom rastavljanja i rezanja jednog ukradenog golfa. Naime, ova grupa osumnjičena je za krađu većeg broja automobila na području Kantona Sarajevo i Istočnog Sarajeva. Neke automobile su rastavljali, sjekli, te dijelove prevozili u Srbiju i Crnu Goru i tamo prodavali. U pojedinim slučajevima zvali su vlasnike i od njih pokušavali iznuditi novac za otkup vozila.

D. P.